

Härzigs Lache

Text und Musik
Jacob Stichelberger

Am A - ben ir Stadt uf em Troit - oir steit
 het vil z'we - ni a denn s'isch or - de - li

si und la - chet ko - kett zue - mer hi
 chüel das darf doch nid sy ha - ri dsGfuehl

die sött nid mües - se so stah süsch er - frürt si han - i

dänkt und han' - re my Pull - o - ver gschänkt

jitz frü - ri säl - ber doch i ha nid chön - ne wi - der -

stah ja si het son - es här - zigs La - che gha

Härzigs Lache

- Am Aben ir Stadt uf em Trottoir steit si
 und lachet kokett zuemer hi
 het vil z'weni a denn s'isch ordeli chüel
 das darf doch nid sy hani ds Gfüel
 die sött nid müesse so stah süsch erfürt si hani dänkt
 und han're my Pullover gschänkt
 jitz früri sälber doch i ha nid chönne widerstah
 ja si het sones härzigs Lache gha
- Und wo si erwarmet isch flötet di Frou
 chli Hunger das heigi si ou
 i füere si drum ine besseri Beitz -
 jitz gsehni i si ersch iri Reiz -
 die sött nid müesse so Hunger ha - nei ou hani dänkt
 und han're mys Portmone gschänkt
 jitz han i nüt me im Sack - ha nid chönne widerstah
 ja si het sones härzigs Lache gha
- Und wäret si isst meint di länghaarig Sünd
 me heig ire ds Appartment g'chündt
 drum stöndi si hüt i dr Nacht uf dr Strass
 s'isch rüerend geng füllt si mer ds Glas
 die sött nid müesse voruss übernachtete hani dänkt
 und han're my Husschlüssel gschänkt
 es isch my einzige gsy - ha nid chönne widerstah
 ja si het sones härzigs Lache gha
- Und chum hets my Husschlüssel kychret das Ding:
 dr Wy stygt dir meini i Gring
 gang gschyder a d'Luft und la du mi a ds Stür
 süsch chunnt dir dä Abe no tür
 äs sött nid müess so loufe s'wär grousam hani dänkt
 im Suff hanem ds Outo grad gschänkt
 und i mues z'Fuess gah - jä nun - ha nid chönne widerstah
 ja äs het sones härzigs Lache gha
- Wos schliesslech wott fahre das gluschtige Chind
 da wirts mer so weh und so wind
 i gspüren ir Bruscht sone stächende Schmäz -
 ja Herrgot wo isch de mys Härz?
 jitz isch ou das nümme da äs hets gstole - eifach so
 isch furt mit em ab und dervo
 ha alls verlore - ha nid chönne widerstah
 ja äs het sones härzigs Lache gha